

K-VI-6

Generosa Domine

I

Generosa Domine Lukaskindler

Anna M.

GENES

Opuscula in his Miscellaneis sub W^o contenta sunt?

1. Carmen gratulatorium in laudem Ing. Adol. ab Alb. Deoyen. Crac. 1630
2. Debitum pietatis A.R. et Eccl. fac. Vitellio a Joach. Speronowic. Crac. 1638
3. Aurora natalium Ill. ac M.D. Adam. Hieron. Hieronowski. Sub. Stan. Olszowski. Crac. 1638
4. Hellanodia virtuti quam cum fide Eccl. opera Joach. Speronowic. Crac. 1638
5. Elisei Aurimontani ad Danthecanos bellum et arma circumspicientes Epit. 1638.
6. Vindicta p. Cornelio Tacito a Nicol. Nowikowski. Convitiatoris. opposita Crac. 1638.
7. Aretos Pharmacia, quæ gener. Juv. ab Alb. Samborski monsthat. Crac. 1638.
8. Nubes Hippocratis Cl. a Doct. Viro Andr. Wolfowicz a Thom. Canewesi dic. Crac. 1638.
9. Icon virtutis et laboris ~~in~~ Maradungon ~~ad~~ Ven. ac Eccl. D.D. a Nic. Tatowicz Crac. 1638.
10. Pietas eruditæ seu oratio de nexu piet. cum erudit. Joan. Alb. Panis. Crac. 1638.
11. Tiara Episcopalis Ill. ac L^{mo} D. Andr. Jębicki. Ep^o luceor. a Daniel. Okebutz. Crac. 1638.
12. Icon herouæ virtutis. Gen. ac Ill. Joan. Dębicki a Joan. Gynerski. Crac. 1639
13. Colopus immortalitatis Jer. ac Pol. Vlad. IV. a Balthas. Stan. Przysuski. Lublini. 1638.
14. Felix luceoria in primo ac Solemni Andr. Jębicki. de. Balt. St. Przysuski. Lublini. 1639
15. Planetus in obitum Ill. ac D. Jębicki in Olyra. Dębicki. a Balt. Stan. Przysuski. Var. 1637.
16. Nania na smiere nieśmiertelna Andrzeja Jaklin. kiega. Krak. 1638 p. M. D. R.
17. Heroama pietatis ad festu nuptiale dr. a Joan. Gynerski.
18. Procepus cause in infig. et perfidum Marcum Fiddum. Decretus. Cr. 1636.
19. Aureus Trionis Sarmatici hipos. a Ludov. Christoph. Miller. Crac. 1638.
20. Minerva plaudens in Aula D. Jagielloni's ab Adamo Nowakowski. Cr. 1638.
21. Dona gratiarum Ven. Mart. Stan. Wolfowicz. p. Valerian. Alnpek Cr. 1638.
22. Nota przedziwna z ziemie do nieba u Kaz. pogri. Mikol. Sawinowicz. J. K. 1638
23. Metamorphosis Apollinis et nove Musæ a Joan. Nicol. Jębiński. Crac. 1637
24. Urag. eius Ill. D. Stan. Lubomirski. de Joachim. Speronowicz. Crac. 1638.
25. Stephanion ~~U~~idii Philosophici Adol. Sub. Stan. Olszowski. Crac. 1638.
26. Paterna felicitas el. ac dicit Viro Andr. Wolfowicz a Joan. Grynwaldt. Crac. 1638.
27. Gratulatio Ill. ac R^{mo} D^o Stan. Grochowicki. Arch. Ep. a Mathia Jębicki. Cr. 1638.
28. Echopadeia seu in uerna renou. Aud. acad. Oratio a Steph. Nizdzycki. Cr. 1638.
29. Gratia nuptiales Cl. et Eccl. D. Stan. Jębicki dr. a Joan. Gynerski. ~~Trzebinicki~~
30. In occursum Jer. Pol. inrich. Inna. Vlad. IV. de. Acad. Zamyski. volum. 1634. Petrus
31. Joppes votum p. felici et exopt. inculum. Adami Opatorni a Joach. Speronowic Cr. 1638.

Auctores

- | | |
|-----------------------------|--------------------------------------|
| Alnpek Valen. an. 21. | Millerus Lud. Christoph. 19 |
| 2. Stanmentang Eliseq. 5. | Nizdzycki Steph. — 28. |
| 1. Anonymi. 16, 18. | Nowakowski Adamq. 20. |
| Canewesi Thomas 2. | Olszowski Stanislaus 3, 25. |
| Gynerski Joann. 12, 17, 29. | Okebutz Daniel — 11 |
| Deoyen Albert. 1. | Panis Joan. Albert. 10. |
| Tatowicz Nicol. 9. | Przysuski Balthas. Stan. 13, 14, 25. |
| 2. Jębicki Mathias 24. | Samborski Albert. — 7. |
| 1. Jębiński Mikol. 23. | Nowikowski Nicol. — 6. |
| Grynwaldt Joann. 26. | Speronowicz Joachim. 2, 4, 24, 31. |
| Sawinowicz Mikol. 22. | Trzebinicki Petrus. 30. |
| 12 Jan. 22. | |

13
FELIX
LVCEORIA

In
Primo ac solenni

ILLVSTRISSIMI ET REVEREN-
DISSIMI DOMINI,

D. ANDREÆ
GEMBICKI,

EPISCOPI LVCEORIEN.
ABBATIS TRZEMESZHEN.


IN SVAM CATHEDRAM

INGRESSV

LÆTATVR.

Anno ab augustissimæ Virginis partu, 1639.


LVBLINI, Typis ANNÆ VIDVÆ.



Felicitis causâ ominis.
PROVINCIA GNESNENSIS
ARCHIEPISCOPO SVO

vt verissimè,
ita reuerenter
cum canit,
PROTEVM.

Sol. Dux, Lex. Rex. Fons. Lux.
Mons. Pax. spes mea Lipski.



ILLVSTRISSIMO AC REVERENDIS-
SIMO DOMINO,

D. IOANNI

à Lipie

LIPSKL

ARCHIEPISCOPO GNE-

SNENSI, LEGATO NATO, REGNI PO-

LONIAE PRIMATI, AC PRIMO

PRINCIPI,

D. Domino, & Patrono Am-
plissimo.



*Quidem, diu multumq, Luceoria Felix, sua di-
tioni felicissimum quarebat Patronum, Illu-
strissime ac Reuerendissime Princeps. Sed ecce
non inuenit in Polonia feliciorum Te; tum pro-
pter morum tuorum candorem, grauitatem, comitatem, fidei
Catholicae zelum, amorem, constantiam, disciplinarum penè
omnium incomparabilem, & admirabilem cognitionem; tum*
A 2 *pro-*

propter Tuum acre iudicium, prudentiam, sapientiam, pietatem, subtilitatem styli, ac eloquentiae vim totâ fere Europâ maximè celebrem: tum deniq; propter magnitudinem Tuorum in Rempub. meritorum; ob quæ omnia, IESVS CHRISTVS Princeps omnium Pastorum & Principum, hac suprema auxit Te dignitatis excellentiâ. Ad tam igitur felicem contulit se Luceoria; ut cum ipsa tuam libens fateatur, tu quoq; agnoscas eius, felicitatem; & sententiam feras, satisnè iustatibi videatur esse, quæ de suo Episcopo affirmat talia, & pollicetur. cui tuum iudicium grauiissimum, crede mihi, erit instar amplissimi theatri. Non spero illius sermonem fore haud iucundum, tum quia est de laudibus Illustrissimi ANDREÆ GEMBICKI tanti viri, tamq; tibi addicti: tum quia sacerdotum mentionem fecit, in quorum virtute, salutem terrarum orbis inclusit Deus, unde humanum genus in rebus dubiis spem, in afflictis consilium, in perditis verò flagitaret auxilium: quos ego, ut ouis pastorem, filius patrem, cliens patronum, omni prosequor honore & veneratione. Leges hîc nonnulla, quæ liberiùs dicenda existimauit Luceoria: sed quisq; prudens facile ignoscet ei, cum secum diligentius reputabit, nihil tam Ecclesiæ proprium esse, quàm dicere, & scribere candide; ne scilicet incurrat in suspicionem adulationis, quam fugere debemus cautiùs viperino sanguine. Idcirco etiam, si quorundam clarissimorum hominum nomina posuit, à te petit, qui hæc leges, ne quid datum esse auribus cuiusq; in hac oratione ab illa, opineris. Namq; illa omnes priuatorum laudes virorum, non ad priuatam alicuius ambitionem, sed ad publicam Diœcesis suæ gloriam refert: quandoquidem ea est demum, vera & incorrupta priuatorum hominum laus, quæ ad publicam maiestatem redundat. Acci-

pies ergo, *Illustrissime Princeps, felicem Luceoriam, & dignam esse protectione tua statues, quàmuis solum res ipsas & personam, quæ in ea proponitur, considerabis. Nec ego Tuus, qui viam ad Tuam Celsitudinem monstraui Luceoria, à Te mitissimo Primatè & sapientissimo Principe abijciar; præsertim si Tibi venerit in mentem Illustrissimæ D. ANNÆ PLICHCIANKA Matris Tuæ, sanctissimæ & integerrimæ sceminæ; quæ ut meam optimam parentem, suam amitinam Sororem, amore & officio completitur: ita me eius filium, & in gratiam pridem receptum, à Tua Archiepiscopali maiestate, & Tibi innata benignitate, ne prohibeas, maximoperè obtestor. Quod superest; tamen si altiore iam cælis ipsis, quò progrediaris, non habeas locum, totum enim iter iam confectum est in obtenta hac immensa dignitate; sed tamen, quod canit ille, ego Tibi ex animo precor:*

Serus in cælum redeas, diuq;
Latus intersis populo Polono.'

Illustrissimæ ac Reuerendissimæ

Celsitudini Tuæ

æternum deuotus,

BALTHASAR S. PRZYEVSEL

F E L I X L V C E O R I A

GAudeo vehementer, Illustrissime ac Reuerendissime Domine, cùm animaduerto, Te, qualem maxime optaui, Virum omni laude, & omni genere virtutis abundantissimum, multisq; fortunæ eximiis & naturæ dotibus florentissimum; immortalis Dei beneficio, summo vniuersi populi, bonorumq; omnium consensu, creatum esse meum Præsulem; atq; hodierna die, meas in sedes venisse; vt lucem dignitatis Tuæ affunderes mihi, & hanc mirificam voluntatem, ad tuendum Diuinum cultum, ad amplificandam religionem sanctam, studium incredibile declarares. Etsi ego Luceoria, Cœlesti Numine freta, nunquam dubitandum existimaui, quin Sponsum, multâ sine difficultate, longâq; expectatione habitura essem: tamen, si mihi tantæ auctoritatis, & iustitiæ, tam singularis sapientiæ homo, & præcipuè, cum tanta felicitate non contigisset; incredibili quadam & penè Diuina, qua nunc, Tua in præsentia, fruor, lætitiæ voluptate caruissem. Quid dulcius hominum generi à natura potest dari, quàm salus & incolumitas? mihi verò & propter necessitatem meam, & propter excellentem eius bonitatem, omni est auro exoptatior: tamen non tanta fiducia, ab alio expeterem eam, quanta nunc certitudine à Te integerrimo, respecto. Nil cuiquam

quam est vnquam iucundiùs, quàm mihi illæ opes, quæ nec
eripi, nec surripi possunt; neq; naufragio, neq; incendio a-
mittuntur; nec tempestatum, nec temporum permutatio-
ne mutantur; has ego de Te mihi abundè polliceor, po-
steaquam Deus, & Tua amplissima merita, me Tibi Spon-
sam, & mihi Te reddiderunt Antistitem. Pax, quæ est sere-
nitas mentis, tranquillitas animi, vinculum amoris, con-
sortium charitatis, quemq; in vita delectat; non tam id sen-
tiebam, cùm Te carebam, quàm tunc, cùm Tuo grauissi-
mo, iucundissimoq; fruor aspectu, & affatu recreor pru-
dentissimo. Iam verò homines à vera religione alieni, atq;
malecolentes Iudæi, quanquam iniquissimè iam prouinciam
eam, putant suam Chananæam: tamen ij, nunc minùs auda-
ces videntur, quàm si creatus Episcopus non esses. Ipsa au-
tem Diocesis, Christe sancte, dici vix potest, quid orna-
menti ex Te, quid vtilitatis retulerit! quæ claritas in ea sa-
pientiæ? quæ amplitudo iustitiæ? quæ excelsitas & magni-
tudo animi? qui ardor pietatis? quod lumen probitatis?
quæ pulchritudo humanitatis? qui splendor clementiæ?
quæ dignitas liberalitatis? quæ præstantia temperantiæ?
quæ omnium virtutum maiestas? quibus ego vniuersis, e-
tiam priùs sic florebam, vt nemo magis. Sed tanquam dies
die interdum solet esse clarior; & vt vulgò dicitur, discipu-
lus est prioris posterior dies: sic ea omnia, cùm multum
diuq; nobiscum vixeris, magis, quàm antea, illustria & in-
signia apparebunt. Quorsum igitur hæc disputo? quor-
sum? vt quisq; intelligere possit, ita me felicem, Te vigilan-
tissimo Episcopo, ita faustam ac beatam fore, Te Pastore
diuinitus oblato; vt mihi ad id exprimendum, non tam

Isocratico, aut Lysiano, quod propè leue est in Sacris, quàm Hieronymiano, alteriusuè S. Doctoris genere dicendi, sine fuco & pigmentis, vtendum sit.

Ac ne id cuiquam dubium videatur, præstantissime Antistes, principio liceat mihi explanare munus Præsulis, ex quo facilius & Tua multiplicabitur commendatio, & felicitas luculenter cognoscetur mea. Quodnam igitur est? Otium, nescio, quis impudens dicit Hæreticus? at otium, quo nihil est fædius, nihil similius sepulchro, & Reges, simul & beatas perdidit vrbes. Epulari? sed regnum Dei non est situm in epulationibus: eoq; potissimum nomine, damnatus legitur Diues ille, quòd epularetur quotidie regificè, & opiparè. Stationum inutilium pompabilem turbam alere? at bona Ecclesiæ, sunt bona pauperum, quibus, fame, frigore, miserabiliter laborantibus, id omne, (teste Bernardo) crudeliter subtrahitur, quidquid inaniter expenditur. Cogitationes Propinquitatis in altum ducere? verum, si mei non fuerint dominati (psallit S. Rex) tunc immaculatus ero, & emundabor à delicto maximo. Non hoc itaque munus est, quod impudentissimè Hæretici obiiciunt etiam Sanctissimorum in Polonia Præsulum hostes; illorum potius mendacissimi id obeunt Pastores; qui quò sunt Seniores, eò viuunt nequiores, & quantò fideiiores videntur Ministri, tantò fallaciores, atq; magis magisq; habentur finistri. En ego verissimum esse munus Præsuleum dico: Diocesim, ad Diuinam felicitatem promouere. Namq; si Regium est, vt Xenophonti in Cyripædia placet: regnum politico humanoq; modo felix reddere ac beatum; nec mihi quisquam iure potest inficiari, Præsuleum esse quàm similimum

limum; siquidem in propria Diœcesi Præsul, omnium Pa-
stor, omnium Rex est animarum. Sequeris hanc sententiam
meam, Illustrissime Episcopo: & quanto libentiùs seque-
ris, tantò, certius meam Diœcesim, ad eam felicitatem,
quam, maiorem in modum optat, excitabis. Tria sunt,
ex quibus vnius regni felicitas efflorescit, si Philosopho-
rum Principem, auscultemus, corporum sanitas, diuitia-
rum amplitudo, vacantium ab armis diuturna tranquillitas
animorum. Hæc omnia, saltem spiritualiter, Diœcesi, vt
habeatur felix, adesse oportere, quis dubitabit? cum
Deus, summus Præsul, hoc sibi muneris quasi imponit im-
plendum ad sui gregis, sui, inquam, dilecti populi felicitate-
tem. In qua vis sanitatem? en in his patet verbis: Saluabo
gregem meum, & quod infirmum fuerat consolidabo, &
quod confractum fuerat, alligabo. Vis affluentiam facul-
tatum? in pascuis vberimis pascam eas, & quod forte, &
pingue custodiam, & iudicabo inter pecus & pecus, pin-
gue & macilentum. Vis pacem & tranquillitatem? requi-
ram gregem meum, & liberabo eum de ore eorum, & non
erit vltra eis in escam, & in pace mea erit pax ei. Quod
cùm ita sit: certè ad exemplum huius Præsulis æterni, quisq;
bonus Antistes, omnibus vigiliis, omni studio, atq; operâ
contendere debet, vt Diœcesim suæ fidei commissam sa-
net, diuitem faciat, & pacatam. Quorum præsentia bono-
rum cùm animæ populi beabuntur; nec ipsa corpora, (sic
teneo) quopiam indigebunt: quin imò vniuersa eis fausta,
læta, prospera, ac felicia largè adiicientur à Patre cœlesti.
Atq; vt illa sunt cunctis optatissima, ita mihi à Te minùs
iste polliceretur conferenda, qui nesciret Te fuisse opti-
mum

num Sacerdotem, Canonicum, Suffraganeum, & Abbatem. Ego verò, cùm actum omnem Tuæ vitæ pulcherrimum & laudatissimum cognouerim; adeoq; Te in iis officiorum generibus præstantem, vt iam quodammodo agere Præsulem videreris: committere non possum, quin ea recenseam, quæ mihi dignissima dictu veniunt in mentem. Præditus itaq; excellenti ingenio, artium optimarum studiis, & disciplinâ ornatus, ac primùm pietate insignis, deinde gloriosissimi in omnem posteritatem Patru Tui Laurentij Gembicki olim Archiepiscopi Gnesnen. hortatu, præceptisq; conformatus, Sacerdos es summi, veri q; Dei factus, & Canonicus Gnesnen. Hic aduerti, eas virtutes, quæ in adolescentia, præclaro animo Tuo infederant, etiam in amplo gradu honoris, comites & ministras fidelissimas Tibi fuisse. Non ignoro auctoritatem Tuam in rebus Ecclesiæ propugnandis, & in religione propaganda singularem apparuisse. Optimè scio constantiam, cæterasq; egregias animi dotes, quibus adeò enituiisti, vt cæteros antecelleres. Maximè verò illud laudo, quòd præter aliorum consuetudinem, pro salute communi, excubandum Tibi esse existimasti, faciendo & docendo; vt in populo, quàm latissimè gloria Dei promoueretur. Scilicet didiceras ex literis sacris, id esse proprium Sacerdotis vt faciat & doceat, in vinea Domini Sabaoth; cogitabasq; cum timore illa D. Augustini verba: Nihil esse in hac vita, & præcipuè hoc tempore facilius, & leuius, & hominibus acceptabilius Presbyteri officio, si perfunctoriè, atq; adulatoriè res agatur; sed nihil apud Deum miserabilius, & tristius, & damnabilius. Ac licet fortunæ bonis abundares: non tamen voluptatum

illecebris ducebaris, non ambitione tumebas, gloriæq; cupiditate flagrabas, neq; ingentes auri, vel argenti aceruo extruebas, nec lusibus, nec venationibus (quia in Scripturis, teste Hieronymo, non inuentus est sanctus aliquis venator) nec aliis vanis studiis & artibus oblectabar; sed religionis causâ, omnia faciebas, officiiq; non commodi proprii rationem ducebas, nec deniq; Te quies, aut remissio, vel conuiuia delectabant, sed in laboribus, animiq; contentione, in legendis sacris literis, in habendis sapientissimè concionibus eras totus; vt non immeritò omnibus videre cognomen ab ore accepisse, veluti alter Chrysostomus. Utinam, si qui sunt dissimiles, ex Te, Illustrissime Domine, capiant exemplum! utinam ipsi sani facti, sanum faciant populum! equidem cessaret Ezechiel clamare: *Vae Pastoribus Israel: quod infirmum fuit non consolidastis, & quod ægrotum non sanastis, quod confractum est, non alligastis, & quod abiectum est, non reduxistis, & quod perierat, non quæstistis, sed cum austeritate imperabatis eis, & cum potentia.* Vidit amplissimum Capitulum Gnesnense, longè Te à reprehensione eiusmodi abfuisse; atq; vt Tibi de Ecclesia merendi campus offerretur latior, peraugusto Suffraganeatus munere esse cohonestatum voluit. Quo confirmatum nobilissimum pectus Tuum, hoc vnum agere, cogitare, moliri, somniare cæpit, vt illustrioribus quotidie factis opinionem de se conceptam vinceret. Hic iam vitium Tibi videbatur, non esse optimum: vitæ innocentiam & doctrinæ præstantiam non lucere, impium: propria potius lucra, quàm ea, quæ Christi sunt, per suscepti muneris gratiam consecrari, sacrilegium. Ita hæserat Tibi in animo illud D. Nazianzeni:

Priusquam animam quis pro virili, mentemq; quantum
satis sit, repurgarit, longeq; supra alios ad Deum propin-
quarit; mediatorem inter Deum & homines, agere, mini-
mè tutum esse censeo. Memineras & huius, quod Syne-
sius Episcopus grauissimè ait: Prælatum oportet esse virum
diuinum, & ad ludum omnem perinde atq; Deum diffici-
lem & durum: qui vt propositum, institutumq; suum te-
neat, innumeros in se plurimorum conuersos habet oculo-
los; quorum nulla, aut certè perexigua vtilitas est, nisi ita
sit factus cordatus quispiam, vt ad mæstitiam sit composi-
tus, & ab omni voluptate alienus. Quocirca, Præsul Am-
plissime, nullus dies erat, nulla hora, nullum ferè temporis
spatium, quo non intentus esses, inusitato atq; incredibili
propagandæ religionis Catholicæ studio, quo non arderes
populum ab egestate atq; incitis huius vitæ, ad illius futuræ
cælestes traducere diuitias. Testes sunt Vrbes, vici, oppida,
Ciuitates, quas Tu circumiens sæpenumero, diuinis opi-
bus cumulabas per Sacramentorum administrationem, &
alia sanctissimæ fidei nutrimenta liberaliter proposita. Te-
stes sunt egenorum turbæ, in quos Tu insignem quotannis
beneficentiam declarâsti, memor Augustiniani dicti: Esu-
rientium panem esse, quem Ecclesiastici detinent Viri, nu-
dorum vestimenta, quæ illi recludunt, miserorum redem-
ptionem esse pecuniam, quam illi refodiunt, infirmorum
solatia esse delicias, quibus illi insolescunt. Testes denique
ipsi illi homines auersi impiorum Hæreticorum callidissi-
mis insidiis à vera religione, quorum Tu animas Christo
recuperatas, omnibus mundi fortunis pretiosiores, diuinâ
splendentes immortalitate, Ecclesiæ pro opimis spoliis ha-
bitas

bitas consecrasti, obtulisti. Atq; hæc omnia in pascuis
berrimis à Te pasta, cum Tuarum altissimarum testantur
exercitia virtutum, gratissima Apostoli voce vehementer
cupiunt, vt dum apparuerit Princeps Pastorum percipias
immarcescibilem gloriæ coronam, vnâ cum Illustrissimo
Georgio Tyszkiewicz nunc Samogitiæ Episcopo, & Reue-
rendissimo Thoma Oborski, Viris de antiquo Altrææ sæ-
culo, religionis zelo commendatissimis, quorum ille Vil-
nensis, hic Cracouien. Suffragan. tanta celebritate famæ,
quanta tu es, ex simili gesto munere, Vniuersis etiam ab-
sentibus sunt noti. At de magnis (vt olim protulit Sallustius)
tacere satius est, quàm pauca dicere. Te modò vnum, opti-
me Antistes, cum reuerentia admiror, & prouehor lon-
gius in hoc immenso laudis Oceano. Age verò, vbi Te
Trzemeszno, summa cum Religiosorum & Regis Si-
gismundi voluntate Abbatem accepit, atq; inter Abbates
in Polonia primum constituit; qualis fueris, quàm sedulò
pacem in Ecclesia Dei curaris, libet considerare. Primò e-
nim Tui officij esse censuisti. tueri Te, domumq; Tuam ab
omni peccati labe, humilitatis iacere fundamenta, amoris
ignem in Deum, in Tuæ pietati & prudentiæ creditos col-
ligere luculentiorum. Deinde non satis putasti morum
sanctitate, sapientiæ splendore alios ad virtutem incitare;
verum imposuisti tibi necessitatem perpetuò in omni ho-
nestate, atq; virtute proficiendi, neq; propositâ etiam pœ-
nâ, inuidiâ, morte, ab eo, quod Ecclesiæ dignitatem, Dei
gloriam, omnium salutem & tranquillitatem spectet, re-
cedendi. Et quamuis iam mos ille laudabilis obsoleuerit,
quo tenebantur Abbates, certum numerum nobilium pu-

grauibus Ecclesiæ ac Reipub. causis felicissimè à Te peracta spectabant, nisi concordiam & pacem? Quid toto ferè orbe decantatissimæ Legationes iam cum Volucio Episcopo & pietate & scientia illustrissimo, iam cum Ossolinio Regni dignissimo Procancellario, non sine itineris, & locorum maximâ incommoditate Romam acceptæ intendebant, nisi quoq; concordiam & publicam tranquillitatem? O eximiam ac propè Diuinam Tuæ Fasciæ naturam! ô singularem, atq; admirabilem virtutem! Ipsa mercede vrbs, religionis sanctissimæ augustissimum domicilium, celeberrimum populis, omnibusq; nationibus per-fugium, arx Christianæ sanctitatis munitissima, cum vidisset, quid spectares, & intenderes in celebri illa legatione, mirificè collaudauit Tuum animum, tam amantem, tam cupidum communis pacis, eamq; tot annis ab omnibus bonis exoptatam literariæ Reipub. per Te detulit Sanctissimi Pontificis decreto. Hic ego, Reuerendissime Præsul, iam amplior in dicendo esse nolo: siquidem & Tibi plura fuerunt facta, quàm mihi verba; & maiora habuisti vitæ decora, quàm habere possis encomia Oratorum. Id solum infero; si Canonicus, Suffraganeus, & Abbas tantopere felicitati consulebas, vt sanitas, diuitiæ, pax, cum Ecclesiæ, tum Patriæ fuisset à Te toties allata: & quisquam dubitabit, modò, cum es tam sublimis Episcopus, me Tuâ curâ, Tuo beneficio consensuram per altos felicitatis gradus?

Enimuero licet antea vitam Tuam penitus ignorassem: tamen posteaquam Te Illustrissimus Boguslaus Radoszowski in sua ætate senili, subsidium & ornamentum huius Luceorien-sis esse voluerat Episcopatus; tum
abun-

gratibus Ecclesiæ ac Reipub. causis felicissimè à Te peracta spectabant, nisi concordiam & pacem? Quid toto ferè orbe decantatissimæ Legationes iam cum Volucio Episcopo & pietate & scientia illustrissimo, iam cum Ossolinio Regni dignissimo Procancellario, non sine itineris, & locorum maximâ incommoditate Romam acceptæ intendebant, nisi quoq; concordiam & publicam tranquillitatem? O eximiam ac propè Diuinam Tuæ Fasciæ naturam! ô singularem, atq; admirabilem virtutem! Ipsa merclè vrbs, religionis sanctissimæ augustissimum domicilium, celeberrimum populis, omnibusq; nationibus perfugium, arx Christianæ sanctitatis munitissima, cum vidisset, quid spectares, & intenderes in celebri illa legatione, mirificè collaudauit Tuum animum, tam amantem, tam cupidum communis pacis, eamq; tot annis ab omnibus bonis exoptatam literariæ Reipub. per Te detulit Sanctissimi Pontificis decreto. Hic ego, Reuerendissime Præsul, iam amplior in dicendo esse nolo: siquidem & Tibi plura fuerunt facta, quàm mihi verba; & maiora habuisti vitæ decora, quàm habere possis encomia Oratorum. Id solùm infero; si Canonicus, Suffraganeus, & Abbas tantopere felicitati consulebas, vt sanitas, diuitiæ, pax, cum Ecclesiæ, tum Patriæ fuisset à Te toties allata: & quisquam dubitabit, modò, cum es tam sublimis Episcopus, me Tua curâ, Tuo beneficio consensuram per altos felicitatis gradus?

Enimuerò licet anteaquam vitam Tuam penitus ignorâssem: tamen posteaquam Te Illustrissimus Boguslaus Radoszowski in sua ætate senili, subsidium & ornamentum huius Luceoriensis esse voluerat Episcopatus; tum
abun-

abundè iam experta fui, Te nihil aliud cogitasse, nihil e-
gisse, quàm vt populum Diœcesanum ad hanc felicitatem
promoueres dulcissimam. Nunc autem, cùm sis meus E-
piscopus creatus; quid me necesse est referre, quibus ego
fortunæ luminibus, quauè gloriæ pulchritudine resplende-
scam? Equidem, vt sol ingressus in Leonis signum, maxi-
mè suos radios explicat, caloreq; vehementiori incendit
omnia: ita Tu in altiore dignitatis fastigio positus, multò
maiores virtutis fructus edere, multoq; clarioribus factis
incipies me illuminare. Addit mihi animum, Regum Ma-
gorum astrum expressum Tui quodam modo simula-
chrum: ad cuius anniuersariam in Ecclesia commemora-
tionem, diuino potius, quàm humano consilio distulisti
solennem Tuum in Cathedram ingressum. Illud astrum,
non, vt cætera, quæ ab Occasu in Ortum rapiuntur, ab Or-
tu potius ferebatur in occasum: Tu, non, vt cæteri, (de qui-
busdam dico) qui vmbram Ecclesiæ fugere, lucem aulae
amare, detrimenta Diuinæ gloriæ non vereri, ornamenta
laudis propriæ aucupari eligebant: non, inquam, vt cæte-
ri, quos refert Rodericus Zamorensis, Tu præesse quære-
bas prius, quàm prodesse sciueras; nec antè Sponsorem,
seu alienæ vitæ fideiussorem Te constitui optaueras, quàm
tueri vitam propriam valebas: nec deniq; magnæ classis
gubernacula appetiisti, prius, quàm potueris scapham di-
rigere paruam. Illud astrum, non, vt cætera, quæ alternâ
vicissitudine occidunt & nascuntur, die nocteq; semper lu-
cidum, semper splendidum visebatur: Tu, non, vt cæteri,
qui iam humiles, iam superbi, iam placidi, iam imminites;
non, inquam, Tu fueras, vt illi, quorum meminit Saresbe-
rien-

riensis in Policratico. In aduersis Tu semper constans, in prosperis semper temperans, in periculis semper prouidus, in laboribus semper impiger, in laudibus semper verecundus, in omnibus nunquam alius, semper idem. Illud astrum, non vt Aquilonares vrsæ singulæ singularum præsidēs regionum, tribus Regibus dux itineris antecessit, in quibus credit Anselmus, totam Asiam, totam Africam, totam Europam, orbem deniq; totum adumbratum: Tu, non, vt cæteri, vno inclusi loco, paucos visunt, consulunt paucioribus, paucissimis aditum in cælum moliuntur: non, inquam, vt cæteri, quos arguit Pelusiota, Tu es, erisq; Dei benignitate fauente. Aderis Tu clemens & salutare sydus infidelibus, præsto eris Orthodoxis, consules Clero, doctis prouidebis, egenis ministrabis, religiosis anteibis, Tuam operam, Tuum auxilium omnibus ad æternæ beatitatem vitæ impendes. Ad spem maximam futurorum, & quemadmodum confido, verissimam adducunt me hæc tria: Andreas, Gembicki, Episcopus.

Quòd Andreas es; sustines magnam expectationem imitandarum virtutum Andreæ Sancti Apostoli. Homines ille in Scythia, Epiro, ac Thracia, doctrinâ & miraculis conuerterat plurimos ad veri Dei cultum: Tu id, inter tot alia, doctrinâ & scientiâ persuadebis, ne religionis fucatæ impostores, qui in hac Diœcesi sunt permulti, erigant impia capita, ne ad Tribunalia deputentur, ne iudices, Nuntiiuè elegantur Terrestres, ne deniq; vllum gerant Magistratum: siquidem indignum est à perfidis in Deum & homines, iudicari fidelem Dei populum; indignum, inquam, & maximè iniquum Orthodoxos probatissimos Viros,

C

qua-

quasi ad hoc munus ineptos postponi aduersariis; cum etiam fieri non possit, ut isti iudicent iuste, qui extra quidem videntur, tanquam Statuæ Thebanæ sine manibus, & oculis, intra verò sunt Harpyæ, sunt vulpes dolosæ, sunt Lycaones, sunt (Christo si credimus) lupi rapacissimi; à quibus non modò non iudicari, sed procul amoti esse conuersatione tenemur sub pœnâ grauis excommunicationis. Hac Tu ratione, eludes factiosorum hominum conatus, comprimēs audaciam prauitatis Hæreticæ: Reipub. autem gratissimus, Ordini Tuo charus, Nobilitati bonarum partium studiosæ, ut verus Pastor, omni veneratione existeres colendus. Et quamuis non vnus Ægeas erit, qui tibi propterea stomachabitur: nihilominus Tu, cum sis Andreas, id est fortissimus vir, omnia contemnes fortiter propter IESVM Christum, eiusq; verborum purissimam veritatem. Et quia doctrinam, veluti serpentes incantationem, non audiunt Iudæi, miracula duntaxat cupientes: Tu igitur, Duce Deo, miraculis cum iis ages, reputans tecum; Seruinè illi sunt in Sarmatico imperio, an liberi? si liberi & pacifici, nec Christianis vllas moliuntur insidias; meritò liberè tractantur à Iosephis: meritò eorum sacci implentur frumento, & pecunia, & scyphis: meritò ipsi diliguntur, introducuntur in aulas, constituuntur coram Dynastis, qui in optimo loco faciunt eos habitare, & tradunt eis oppida, locant villas, molas, & ampla prædia, ut comedant medullam terræ, sedeant super ollas carniū, & comedant panem in saturitate. Sin. verò sunt serui, & mancipia, ut ipsi fatentur, cum Christianos appellant Tyrannos, & in Synagogis, quotidie diris deuouent: si omnis congregatio eo-

rum ingrata est, ac murmurat contra Deum, contra Sacer-
dotes, & omnem populum Christianum: si oderunt Iose-
phos, nec possunt eis quicquam pacificè loqui, si nefariè ef-
fundunt sanguinem eorum, si nudant illos tunica talari, &
polymita, si spoliant vasis argenteis, & aureis, ex iisq; faci-
unt vitulos conflatiles, si deniq; populus iste duræ cervicis
est, semen nequam, sentina virbium, viperina progenies,
generatio prava atq; peruersa, dereliquit Deum factorem
suum, & recessit à Deo salutari suo, ob quod irascitur furor
Domini contra eos; cur igitur recipiuntur libenter à qui-
busdam? cur cum eis iunguntur amicitia, quæ sunt nobis
in ruinam? cur sæpe numero in iudiciis plus defenduntur,
quàm Christiani? cur in causis etiam iniustissimis liberan-
tur? cur, præpostero modo, licitum est eis, pro seruis ha-
bere Christianos? cur ipsi potius non seruiunt seruitutem,
cui traditi sunt ab irato Deo? cur vacant otio, & acquie-
scunt verbis mendacibus? cur non exturbantur de melio-
ribus Ciuitatum locis? in summa, cùm supplantant, emun-
gunt, exsugunt populum peiùs, quàm sanguisugæ, atque a-
trociter pungunt, & interficiunt impunè tot animas infan-
tum, cur non flagellantur, & vel in manu robusta, de terra
nostra non eiiciuntur ad Turcas, ad Tartaros, suos ex Ma-
hometo affines? Hæc, Illustrissime Antistes, vt simul, Te
incitatore, fient Iudæis, in mea Diœcesi habitantibus, pro-
fectò facies grande miraculum; citiùs inuocabunt verum
Messiam, agnoscent, & adorabunt Christum: Tuam verò
vniuersi mirabuntur virtutem, & prædicabunt amplissi-
mam; atq; hoc miraculo, crede mihi, claresces magis, ma-
gisq; in omnem consequentis ætatis memoriam. Non du-

bito fore multos Hebræorum fautores, qui super hæc mea indignabuntur verba; sed videat Dominus, & iudicet, quoniam fætere isti faciunt odorem nostræ veritatis, & mendacij Iudaici fætores odorari coram se, & præbent eis quodam modo gladium, vt occidant Christianos. Vtinam sapiant, & intelligerent, ac nouissima prouiderent!

Iam verò, quòd Episcopus es; maximam ergo, grauissimamq; personam geris. Etenim adscitus es in numerum sapientissimorum, optimorumq; Virorum, qui sunt Ecclesiæ lumina, columnæ, firmamenta, speculatores, vnde & Episcopi appellantur: cooptatus in amplissimum Poloniæ Senatum; receptus in Collegium summorum Consiliariorum, quibus cum partim Vladislaus IV. Monarcha inuictissimus Sarmatici mundi, partim Metropolitanus Gnesnen. Ioannes Lipski Primas & Princeps Regni, de grauissimis quibusq; Patriæ & Ecclesiæ rebus consultat, & decernit: proinde Tu statim coniicies, quàm vero verius sit S. Ludouici Episcopi Tolossani dictum: Episcopalem dignitatem, non tam grandis nomen esse honoris quàm oneris. Vnde, profectò non omnes hunc solem aspicere possunt; vel in luce caligabunt oculi, non ad hoc talis dignitatis culmen aspirare possunt, aut imbecillis illos spiritus relinquet. Possunt illi tantum, qui sapientes, rerum intelligentes, ac quorum probata conuersatio est, vt Scriptura testatur. Possunt, inquam, illi, qui testimonia probitatis, singulas peritias habent, vt cum Platone dicam; aut si tecum, Sponsæ Illustrissime, loquar, quorum virtus egregia, doctrina admiranda, nobilitas & autoritas eximia, probitas & integritas supra omnes spectata, vt verè dici de illis vetus illa

Romana lex possit: Hic Ordo vitiis caret, cæteris specimen esto. Quo in Ordine, cum Tu iam beneficio Dei, meritisq; Tuis existis, id est inter eos es, quorum humeris velut Atlantum quorundam vniuersæ Reipub. & Ecclesiæ moles recumbit; certè ex illius Sancti Episcopi sententia, Tibi summus iste honos, summum quoq; est onus. An non est onus, Ecclesias Patronorum fraudibus, vel Pastorum negligentia collapsas erigere, deformatas ad decentem splendorem restituere; mores, vitam, religionis puritatem lustrare diligentissimè per suam Diocesim; & vnumquemq; suis consiliis, suis cohortationibus tenere in officio, atq; ad propriam vitæ stationem reuocare? An non onus est, pietate & doctrinâ excellentes, Ecclesiis providere Sacerdotes? qui pro Dei honore, pro dignitate religionis, pro aris, pro focis, interritâ & constantisciant dimicare contentione, perq; omnes aduersariorum dolos & insidias, viam sibi munire ad gloriosos ex libertatis Ecclesiasticæ vindicatione triumphos? An non onus est, nonnullos Plebanipetas cõducere? quorum tanta licentia est, vt vnus tria, quatuor, quinque, vel plura teneat Sacerdotia, citra necessitatem, citra scrupulum animi; noritq; in tanto progredi numero vsq; ad minimos lanulæ redditus inclusivè, ignarus ouium, quia non cognoscit eas, nec illæ cognoscunt eum; ignarus obligationum Ecclesiæ suæ, vbi missæ, & cætera ei incumbunt pro defunctis onera non persoluuntur, Confessiones non excipiuntur, pleriq; sine Sacramentis moriuntur, atq; cum meo summo dolore condemnantur. An deniq; non onus est, Scholas & Gymnasia, hoc est, ipsius sapientiæ domicilia constituere, propagare, fideles magistros beneficiis

fouere, ornare? à quibus doceantur, atq; consueſiant iuue-
nes, & Tibi ſapienter monenti parere; & talia à teneris
probare, atq; agere conſiſcant, quæ bonos, glorioſos, ac fe-
lices illos maturâ iam ætate poſſent efficere Reipub. Ci-
ues; ve exercitationibus pietatis, continentia, Diuinarum
literarum inſtructiſſimos Dioceſi Tuæ ac toti Regno Sa-
cerdotes reddere. Grauiſunt, quæ dico, grauiſ, crede mi-
hi, Illuſtriſſime Præſul, quæ Tibi omnia, in hac Sede Epi-
ſcopali collocato, ſunt perferenda non ſolùm fortiter, ſed
etiam libenter, dummodò Tuis laboribus populo meo,
dignitas, ſaluſq; pariat.

Poſtremò Epicoſpus Gembicki es; quod eſt dicere Ma-
gni Cancellarij Polonia, Petri Gembicki Epicoſpi Premy-
ſlien. Frater; & inprimis glorioſæ recordationis Laurentij
Gembicki Archiepiſcopi Gneſnæ, ex fratre nepos es; ad
quorum imitationem, tanquam exemplarium perfectio-
rum, debes Te effingere totum, ac formare diligenter.
Atq; hoc loco audire mihi videor hunc Laurentium Gem-
bicki ab illis Cœleſtium ſedibus (vbi cum Gembicianis
Heroibus, quos in conuentu beatorum degere ſpes eſt, de
Tua dignitate lætus adhuc gratulatur) appellare Te, atque
his paternis vocibus admonere: Andrea, quem vt filiolum
ſemper vnicè amaui, quem domi mecum à pueritia alui
& educaui; videsnè quò me mea virtus inuexerit? noſtinè
quibus officiorum, optimorumq; ſtudiorum paſſibus in
cœlum aſcenderim? per eadem veſtigia ſequere curſim an-
tegreſſum. Habes vaſtiſſimam, ferèq; per centum viginti
milliaria extenſam, ad regendum Dioceſim Luceorien:
tota Podlachia, Volinia, & pars magna Ruſſiæ, totus Bra-
cla-

claiuensis Palatinatus, & in Lithuania Vniuersus Tractus
Brestensis Tibi subest: quantus labor, quanta difficultas
sit præesse omnibus & prodesse, Andreas de Plawko, pri-
mus Episcopus Luceorien. Anno D. 1428. & Ioannes,
qui fundauit, Ciuitatem Ianow, Anno D. 1462, & Al-
bertus Radziwilus postinde Vilnam dignitate transla-
tus, & Paulus Wołucki Episcopus piissimus, & An-
dreas Lipski, Vir prudentissimus, & Stanislaus Lubin-
ski homo integerrimus, cæteriꝫ omnes, qui ante Te
vnus & viginti fuerant, multo sunt cum sudore exper-
ti. In hac Diocæsi habitant Magnates Amplissimi, ex
quorum numero commendatissimus est Hieronymus
Wołowicz magnis Reipub. functus muneribus, nunc Ca-
pitaneus Samogitiæ plenus dierum, plenus operum eximi-
orum senex; huic proximus adest Albertus Stanislaus
Radziwil S. R. I. Princeps, Cancellarius inclytus M. D. L.
deinde Alexander Ludouicus Radziwil virtute, pruden-
tia Illustrissimus Princeps, Marschalcus supremus; præ-
terea Stephanus Pac Procancellarius consilio & lingua
promptus, animoꝫ magnus. Adde his Dominicum Du-
cem Zasłauien. in Ostrog, Solem Voliniæ & Russiæ, ad-
de Ioannem Zamoyski Thomæ Cancellarij filium, spem
altam Reipub. & columnen suæ familiæ, Tibiꝫ cognæ-
tionis vinculo iunctum. Huc pertinent à sapientiâ dicti
Sapihæ, vnus Marschalcus Curia & lux splendidissima
Lithuaniæ, alter Palatinus Bresten. corpore licet ager,
ingenio tamen & mente sanissimus: his finitimi sunt
præclarissimi Tryznæ Nicolaus Thesaurarius, & Gede-
on Incisor, gloria M. D. L. Ab his Magnanimus Casimir-
rus

rus Tiszkiewicz, Succamerarius Bresten. dulce decus
& robur Patriæ; cuius Genitor vt Mars alter, splendo-
re, & ingenio militari vehementer excelluit. Tum Szuy-
scij Ioannes Vexillifer & Alexander Tribunus pleb. Bre-
sten. Viri lectissimi, fide & nobilitate clari: tum Ga-
briel Irzykowiez Succamerarius Mielnicen. & Nicolaus
Loknicki, Signifer Bielscen. præsidia & ornamenta Rei-
pub. Inter quos principem locum tenet fortissimi Nie-
mora, præcipue verò Stanislaus Palatinus Podlachien.
Albertus, Alexander, & Constantinus Viri pietate in Pa-
triam & armis præstantissimi. Post hos Vodinski, Ca-
stellanus Podlachia, tum Lesniouolscij, Olientij, Silni-
cij, Chadzenski, Præfectus Nurensis, Mleczeko Capita-
neus Mielnicen. Luzescij, Troianowscij, omnes magnis
rebus gestis in Polonia clarissimi. Sed quid ago? aut
quò me fero? non homines, sed stellas dinumerare vi-
dear, si ordine persequar, qui Viri, qui Heroes ad
Tuam pertinent pascuam. Huc enim spectant Illustri-
um Familiarum Viri, Poćieie, Ielenscij, Buchouieci,
Enchimouscij, Wereszczaka, Witanouscij, Lysczynscij,
Hornowscij: denique Viri fortes ac strenui Christopho-
rus Piekarski, Pocillator Bresten. Balthasar Bobrowni-
cki, Ioannes Srzednicki, Abrahamus & Hieronymus
Zawissæ, aliique quos generatim ponere cùm res ipsa,
tum ratio instituti operis me cogit; ne non verba ad
Te facere, sed catalogum hominum legere videar:
quod cum re ipsa ineptum, tum ab hoc meo institu-
to alienum est. Præsertim cùm ipsa Collegia Luceo-
riense, Brestense, Bialense, Olycense, Seminaria omni-
um

um virtutum & disciplinarum tam spectatam in Tua
Dioecesi habeant iuventutem, vt nihil ad eorum desi-
deretur laudem perfectam. Nominatim verò in Bia-
tensi Lyceo, à iuvene iuuenem lectum fuisse diceres,
vt Brzoscas Ioannem & Stanislaum Illustris Viri Ioa-
chini Pocillatoris Nurensis natos, vt Vrouiecius Zbi-
gneum, Ioannem, Franciscum, magnam Regni & v-
nicam Familiæ spem; vt Szuyfcios tres elegantes pu-
eros, vt Casimirum Krakow, Paulum Sosnowski ad-
lescentes egregios. Thomas item Szeliscius boni & o-
ptimi Viri filius hoc in numero est: deniq; Victori-
nus Wilski, Paulus Sawicki, Wladislaus Gofynski, Io-
annes Zawissa, Nicolaus Chadzenski, Romanowski,
Reczyna, Loknicki, Zaleski, Guzelph, Golianski,
compluresq; alij nobilissimi iuuenes, spectatissimorum
Patrum filij, quos enumerare longum est, & non ne-
cessarium. Et hos paucos posui de multis, vel ideò li-
benter, quia honestissima artium ac vtilissima studia,
à quibus ego nullum confiteor ætatis meæ tempus ab-
horuisse, ipsi quoq; vehementer colunt. Proinde vt
bonos & modestos Studiosos literarum cupio sub Tuo
esse patrocinio; ita omnes illos Summates, Equitesq;
ornatissimos, partim beneuolentiâ Tua obligatos ha-
bebis, partim autoritate atque exemplo ad obsequen-
dum Tuæ paternæ voluntati paratissimos efficies Fili-
os. Et quamuis est Tibi excellens ingenium, iudici-
um, prudentia, singularis, cæterisq; naturæ bonis exi-
miè præstas: attamen vt securior sedeas gubernator
ad clauum Ecclesiæ Luceorien. tanquam naus in hoc

periculoso mundi ſalo fluitantis; iubebis tecum in pup-
 pi ſedere ſcientiâ rerum gerendarum peritiſſimos Vi-
 ros Stanislaum Łozam Suffraganeum, Georgium Gro-
 chowski Præpoſitum, Nicolaum Kraſicki Archidia-
 conum, Petrum Vſzynski Cuſtodem, Luceoriæ. Ad gu-
 bernaculum tecum moderandum accerſes illuſtres vir-
 tute ac eruditione Samuelem ~~Łaſcz~~ Valerianum Wil-
 czogorski & alios Canonicos Luce. veluti nautas indu-
 ſtrios, & qui poſſunt prudenter vela pandere, antennas
 erigere, rudentes explicare, claſſes hoſtiles è ſpecula,
 tempeſtatesq; præuidere. Insuper omnem in Episcopatu
 Tua optimum Clerum de ratione gubernandi conſu-
 les, quia & ſcientiſſimi gubernatores ab imperitis eti-
 am vectoribus, æquo animo admonentur. Ac licet
 Dioceſis Luceorien. affluat Sacerdotibus, quibus inge-
 nio, ſcientiâ, prudentiâ, eloquentiâ, probitate, cunctiſq;
 ad Sacerdotium virtutibus, haud ſcio, an Dioceſis ali-
 qua habeat pares: nihilominus ex plurimis vel hos e-
 tiam viros maximos, Ioannem Zaleski Officialem Pod-
 lachia, Nicolaum Kroſnowski Bieliſceniſem, Stanislaum
 Rorzynski Officialem Lukouiſeniſem, Parochum Trzeb.
 Ioannem Korycki Codeniſem, Stanislaum Vſcianiſki Vi-
 ſniceniſem, Matthiam Drwecki Białeniſem, Ioannem Bro-
 ſcium Miedzyrzeceniſem, Gabrielem Miłoſzewski Sze-
 rezouien. Erneſtum Falko Wierzchouiſeniſem. Præpo-
 ſitos, Blaſium Zmigrocki Wyſtyczeniſem, Petrum O-
 ſtrowski Opoleniſem, Stanislaum Łomazeniſem, Ioan-
 nem Szymborski, omneſq; de Eccleſia præclarè meritos
 Parochos & Vicarios amore ſingulari proſequere: ipſi

autem Te colent, & summo afficient honore, atq; omnia
facientem tanquam Ministri adiuuabunt perlibenter:
curfabunt per foros, præstò erunt imperanti, nauigium
versus cælestem portum propellent, nonnunquam for-
des eluent peccatorum, & in carinam descendentes sce-
lerum ac flagitiorum sentinam haurient, interdum qua-
si Symphoniaci, ~~serui~~ celestimate canendo, populum ad
virtutes excitabunt; inuocatis quandoq; in partem labo-
ris, florentissimis Dominicanis, religiosissimis Augusti-
nianis, integerrimis Franciscanis, sanctissimis Bernardi-
nis, beneuolentissimisq; Patribus. Quorum omnium, vt
doctrinâ ac pietate Ecclesiæ sanctitas elucescit, hostes
Hæretici profligantur, fines ad Antipodas vsque proten-
duntur: ita Tibi, qui es autoritate Christi Saluatoris Pi-
scator tot mortalium institutus, ad rete vel fractum vetu-
state, vel discissum à piscibus, resarciendum, aut certè
ad trahendum, ad littus, iam plenum piscium, manus au-
xiliaria est pernecessariâ. Et herclè magis eorum pro-
batur cælo, terræq; adiutorium, quàm illorum Aloada-
rum, vel Æneanum; qui sponte pollicentur se fore Pisi-
das, Nasamones, gratissimasq; ciconias erga suorum se-
nectutem; postea vel corniculam Socratis gerunt, vel
Coracis induunt mores, quos conscientiæ obligatio re-
quirebat quasi Anthias esse, aut Scaros: vno verbo elo-
quar, Coadiutores, non Giezos, solaq; necessitate Ec-
clesiæ atq; zelo Domus Domini, non dispendio excitatos,
non aliquo respectu alio, ad id munus perductos. Quod
cum videris diligenter in Tua Diœcesi, etiam illud ad-
uerteres, vt quisq; suum custodiat ouile, suum gregem pa-
scat

feat fideliter, penes illum resideat, in conductam Sacer-
dotum coronam, animarum non reiiciat sollicitudinem;
ipse solus vel aulicis negotiis sese mancipans, vel quiduis
aliud agens, quàm ministerium Ecclesiæ subiens. Scis e-
nim neminem Vicarium esse meliorem Aarone & san-
ctiorem; et tamen in eius præsentia, Moyse, antequam à
colloquio Dei ex monte Sinai reuersus est, audiuit in Co-
stris vocem cantantium, & cum appropinquasset ad ca-
stra, vidit vitulum & choros, peccatum populi maximū.
In summa, contendes omni studio, vt (quemadmodum
tu facere soles) Sacerdos infirmetur cum infirmo; cum
scandalizato vratur, pro fratre fiat anathema, suamq; po-
nat animam pro subdito; vt, inquam, tanquam Samari-
tanus liget vulnera proximi, cum eo faciat misericordi-
am, ducat eum in stabulum Ecclesiæ Dei, reddat, quæ vl-
tra ei necessaria sunt: atq; vt alter Ioseph, frumenta in Æ-
gypto diuidat, pauperem liberet à potente, mærentem
consoletur: vt alter Iob, de velleribus ouium suarum ca-
lefaciat inopes, viatoribus ostia aperiat, vt dicere possit
cum Moyse: *Tu scis Domine, quia nec asellum, nec quid
aliud acceperim ab eis, nec quenquam afflixi*: vt cum Sa-
muele ad populum aiat: *Loquimini coram Domino, & co-
ram Christo eius, utrum bouem cuiusquam tulerim, aut asi-
num, si quempiam calumniatus sum, si oppressi aliquem, si
de manus cuiusquam munus accepi, illudq; restitui vobis;*
vt deniq; cum Ambrosio, *vasa conflet sua, & det captiuis,
& pauperibus;* cum Paulino Nolano, *pro redimendo filio
parochianæ viduæ, mitram & baculum, & indumenta ven-
dat Pontificalia.* Non erit (ita credo) quisquam ex Tuis,
huic

huic tam piæ contentioni Tuæ contrarius; amentur mo-
dò Sacerdotes digni, promoucantur boni & docti: at sæ-
pè fieri aliter hoc sæculo videns tristatur cœlum. Neq;
duntaxat in id Tibi incumbendum est, charissime Ne-
pos; verùm etiam, propagare debes studia literarum, &
artium optimarum: itaq; Collegia & Gymnasia Wilschij,
■ Christ. Franc. Zaierfcij, (vt cætera nunc fileam copio-
sa & affluentia Tibi iam nota) foue Tuâ protectione be-
nignâ, vt potissimùm Tuo gregi, pateant, Tuis sub auspi-
ciis stabiliantur atq; sese offerant, Teq; doctrinarum o-
mnium quasi altero Mecenate ad ampliores fruges ef-
fundendas reuirescant. Tibi enim, mihi crede, hæc cura
reseruatur, Te manet hæc defensio, Tua hæc est tutela,
Tibi iure debita, quòd & Tu plurimarum doctrinarum
scientiam mente sis complexus. Sequere in hoc Colle-
giorum patrociniò suscipiendo vestigia Tui Fratris Petri
Cancellarij Regni Nepotis mei, qui ad cæteras amplif-
simas virtutes, hanc quoq; adiunxit, eximiam, vt doctos
& literatos homines diligat, amet, promoueat, ornet, tu-
eatur, qualem semper Minerua Academica experta est,
& huc vsq; eius protectione atq; amore gaudet, eumque
colit ac obseruat, vt fautorem, defensorem, custodem,
conseruatorem suæ dignitatis, innocentiae, integritatis,
nec non suauissimæ libertatis. Minimè dubito, id omne
à Te præstitum iri facilè; quandoquidem, cum adhuc fe-
rè prætextatus penes me esses, hac in parte multarum
mearum aspexisti virtutum exempla, vidisti mores imi-
tatione dignos, combibisti præcepta, quæ paulatim Ti-
bi propinabam: deinde in tot arduis negotiis, iam Eccle-

ſiæ, iam Patriæ verſatus, ita glorioſè Te geſſiſti, vt non
modò Gneſnæ, non ſolùm Poloniæ, ſed etiam toti Italiæ,
ac Germaniæ ſis notiſſimus. Hæc omnia conuertunt in
Te oculos, deſiguntq; ſumma obſeruatiōe cogitationes
Regis, Principum, Sacerdotum totius Sarmatiæ, & exi-
gunt à Te, quæcunq; geſſeris, omnia grandia, præclara,
genere, maioribus, immortalitate digniſſima. Caue, per
Deum immortalem, ne fallas hanc ſummam ſpem de Te
conceptam. Paſtor es tot animarum, cærimoniarum An-
tiſtes, Sacrorum Princeps, cuſtos religionis; non ergo, mi
Nepos, Tibi blandiaris ex ſanctimonia huius eminentis
ſtatus Eccleſiaſtici: non ſanctorum Filij ſunt, (aiēte Hie-
ronymo) qui tenent loca Sanctorum, ſed qui exercent o-
pera Sanctorum. Memineris Gregoriani verbi: Nos qui
præſumus, non Cathedræ, non dignitatis, non Ordinis,
vel gentis prærogatiuæ, ſed moribus confidere debemus;
quia non dignitates, aut ordines Creatori proximos fa-
ciunt, (vt dicit Canon) ſed nos aut propria merita con-
iungunt, aut mala diſiungunt. Fac igitur, quando in tam
excellſum gradum euectus es, vt virtutibus omnibus ho-
mine Chriſtiano, Principe Viro, & glorioſo Epiſcopo di-
gnis excultus, tum meam, quæ de Te ampla eſt, tum bo-
norum ſpem, amicorū exſpectationem, & omnium vo-
ta longo ſuperes interuallo. His ergo patruis experrectus
monitis, Illuſtriſſime Antiſtes, in iſta Tua indole ſpecta-
tiſſima, in tanto ſplendore nouæ dignitatis, in tot naturæ
& fortunæ muneribus, Summatum viciniis & amicitiiſ,
ex iſtatis Tuorum vocibus, & optatis, prouocatus ma-
iorum domeſticis exemplis, vrgebis Te ipſum currentē,

vt


vt arbitror; & acrioribus incitabīs calcaribus in curriculo Christianæ virtutis. Innocentiâ vitæ, grauitate morū, studio doctrinarum, amore veritatis, bonorū tutela, patrocinio literatorum, beneuolentia in Diœcesanos, liberalitate in pauperes, pietate in Deum, caritate in omnes prætergrediēre Tuos æquales & collegas, præteruolabis omnes agnatos, & propinquos, & quæ summa gloria erit, atq; maxima cunctarū victoria, vinces Te ipsum. Quod cum futurum nō ambigā; quis obsecro, me Tuam Sponsam, Tuam dilectam inficiari poterit felicem? quis aut in hac Diœcesi incolumitatem, opes, pacem gregis & tranquillitatem expetet? aut propagationem veræ fidei, morum sanctimoniam, virtutum exaggeratam celsitatē amplius requiret? Non certē, non, Diœcesis à te quidquam desiderabit; non Pontificia dignitas vlla re diminuta vel obscurata erit; quin etiam multi bonitate Tua superati, relictis profligatæ vitæ necessitatibus ad Te imitandum totos se component; multi Tuo exemplo, in maximis facultatibus continentiam, in summis honoribus legum æqualitatē colent, discentq; comprimendas esse libidines, extirpandam lucri cupiditatē, pellendam luxuriam, ponendas similtates, donandas inimicitias, vt sancta seruetur Reipub. societas. Quocirca meritō nunc tantopere gaudet Cathedra Te Episcopo, Clerus tam præstanti Patrono: meritō nobilitas, vniuersaq; Luceoriensium Provincia tam fidelem, diligentem, benignum Præsulem veneratur; & optimarum virtutum non Te iam cultorem aut amatorem profitetur; at custodem, vindicē, propugnatorem, constantissimum, acerrimum, fortissimum


contestatur. Sola Hæreseos, Schismatisq; turba, soli furio-
sissimi homines ingēti animi metu trepident; namq; im-
piè auersam callidissimis insidiis, nobilissimam prædam,
turpissimè dimittere cogentur; vt simul Te cognouerint,
quem non ab innocentia defensione, improbitatis vis, nō
à iustitiæ vindicatione, impietatis furor, non ab oppresso-
rum leuatione, licentiæ insolentia repressit vnquā. Nunc
Te Christe Optime, Maxime Antistitum ac Diocesum
omnium Præses & supreme moderator, quo duce & au-
spice Illustrissimus Andreas Gembicki ad sublime Epi-
scopatus fastigium peruenit, ex intimis sensibus veneror
atq; obtestor, vt eum Præsulem, si ipsius omnia sunt lau-
datissima & singularia facinora pietatis, iustitiæ, fortitu-
dinis, prudentiæ, humanitatis, beneficentiæ, dignus succel-
sus eiusmodi vitâ atq; factis, Tuo cælesti beneficio conse-
quatur: vtq; idem omni gloriâ florens, ac beatè viuēs,
aspiciat quā diutissimè faustam & festam lucem, quæ
ipsum huic Diœcesi commodauit, quāq; suscepit me Lu-
ceoriam vt seruaret, seruauit dum susciperet: postremò
vti maneat in æuum dubia & anceps palma pulcherrimæ
conspirationis, vtrum impensiori pietate Diœcesani Epi-
scopum, an Episcopus Diœcesanos saluos & inco-
lumes, diuites & tranquillos esse malit.

Dixi.

✠(✠)(✠)

*Tu autem loquere, quæ decent sanam doctrinam. Charitas
non gaudet super iniquitate, congaudet autem veritati.
Paulus Apostolus ad Titum.*






1. - 3



818864 Bibliotheca 28 000,-
P.P. Camaldulensium in Bielany

Depozyt w Bibliotece Jagiellońskiej



03947

K.VI.6

